

蔡忠惠公文集



宋端明殿學士蔡忠惠公文集卷之十

清裔孫

仕 卹 詒 霞甫
廷 魁 經 五甫

校梓

制誥

崇班閣門祇候李樞可供備庫副使制

勅某官獠衆弗順寇鈔嶠南州郡用兵調發饋給爾
爲使者循行往來按視良苦升榮禁闥就總戎鈴勉
圖茂勲思對優寵

前廣信軍司理叅軍王塾可衛尉寺丞制

勅某官某國家邊陲之事必以兵師申其威武然儲

峙廩食

一作食要

務於流行使者以爾勤力收斂補於漕

輓升榮京案圖厥勞効勉勵爾志以答恩渥

李宗儒可內殿承制制

勅具官某爾以武材往涖邊堡種落懷附斥候甚明
眷言帥臣遠形需奏特升聯於殿陛俾耀寵於塞垣
勿忘欽承勉立來効

葉均可大理寺丞制

具官某官賞之法所以磨勵世俗旌拔賢材然有勞
相與累日而得者差異也爾治劇務復積歲功於

格應遷命丞理寺勉修成業以稱寵靈

齊州司法叅軍監秦州在城酒司馬京可衛尉

寺丞制

專筦利資以佐公上必用廉飭乃有羨贏計課應遷
京曹是踐勉尚修勵祇荷恩褒

陝西轉運使范祥追官知州制

勅具官某爾爲使者權涖冀門建言羗酋願上土壤
國家不贏尺地之得尚安遠人之歸再屬經圖務存
久靜爾深陳便利堅請完修但知開劃之勤殊失預

備之策致茲寇盜乘隙鈔攘興戎之端厥咎誰執奪
去一秩典臨外州實爲寬矜勿忘循省

右龍武軍大將軍克棟可右衛大將軍制

勅帝者宗屬惟是飭愿自守其履尚固可嘉矣况乎
潛心經術發揮詞業不有恩數之厚曷以勸示來者
具官某植性端靖顓務詞學屢形章牘願較藝文給
試禁署預列名等特遷環衛之重以疇稽占之効益
思爲善以對光寵

供備庫副使李評可朝散大夫殿中丞祕書丞

宋敏修可太常博士守監簿楊慥可太祝奉禮

郎制

逐人學士試到奉聖旨與轉官

勅具官某等天下以文治而士人以詞進者爲日舊
矣惟爾評生於貴戚早聞善訓綴學屬文特然有立
敏修暨慥世以儒聞能名其家經術益茂命試列等
粲然可觀或遷殿省之聯或舉奉常之列率一作卒
恩渥勉務敦修

皇姪故左武衛大將軍常州團練使宗道可贈
觀察使追封侯制

勅倬睦至親故事之重褒顯令德治道之先矧惟宗
藩之亡宜有哀禔之責具官某知爲善之樂篤好學
之心棣附承上以光華麟定應時而信厚久司環列
之重遙總州兵之雄天奪厥齡予深其悼命以觀風
之重徹茲書社之榮冀汝營靈歆此恩寵

西京左藏庫副使帶御器甘昭吉可特授文思
副使制

勅具官某性質溫茂材資幹明久叅省戶之嚴仍寄
帳兵之信服勞益謹第課應遷優陟使聯用推朝渥

勉敦爾志以永厥成

狄青奏平變賊有陣前陣內使喚得力人
員外郎鄭紆可職方員外郎右贊善大夫馮
可授殿中丞制

勅具官某等向以狂獠肆毒嶺嶠之南臨遣帥臣

殄克醜

一作頑克

爾等皆以材敏實從征行還上功次

條宜有遷褒之澤序升郎位擢與省丞竝爲恩榮
務修飭

監簿余仲苟可太常寺太祝制

勅具官某等向遣樞臣平定戎寇還上功狀之實

一作未

紀驅馳之勞爾等咸以材能嘗與軍事或進祕

邱之列或升禮寺之華勉圖進修以對光寵

入內東頭供奉官梁惟一可大將軍致仕制

勅具官某天資粹謹材幹敏明久叅宸內之聯比嘗

任使之劇日親藥劑屢易歲華備陳懇實之詞願解

信要之職擢於環尹俾遂家居終始之榮汝其至矣

大理寺丞知梅州許士廉可特授太子中舍依

舊知梅州制

勅具官某等百粵之壤風土異宜爾分守符實處嶠
外積勞累歲具于有司最要之凡合於遷格進陪宮
案仍涖方州祇荷寵榮勿忘省飭

皇后妹仲翹新婦宜特封鉅鹿郡君制

勅樞躋紀節茲乃慶辰綸渙推恩厥惟典舊矧乃后

宮之戚宜推湯賦之華某挺秀名一作慶門早服柔範

動靜鑒於圖史夙夜謹於絃綖嬪于宗英著厥閨則

宜微郡甸一作田之號益峻封君之榮恩赫懿恭用矜

寵數

貴妃妹宜特封清河郡君制

映慶講辰睦姻疏寵眷惟妃位之重願推女弟之因
自典具存明命斯允某生高華之族稟茂淑之姿侍
作姆教而甚嚴奉閨儀而愈慎親爲外戚陪嘉旨
人祝延地啓名邦峻封君之等數宜推一作思優渥益
何顯榮

供備庫副使王用可西京左藏庫副使內殿崇
班張玉可內殿承制制

勅具官某等前遣專師平定狂獠還列功次第

近因振旋

一作旅

引對便坐陣行分合而中法七

刺而奮勇再遷使秩式承制旨竝爲旌寵宜

前兩府并兩制聖節奏弟姪京官或試監簿制

誕之節公卿在位忭呼稱壽罔不和悅朕嘉與近
共樂無疆恩于而家用爲榮寵命爾京秩漸于官

力圖德業毋懈夙夜

宰相叅政樞密聖節奏薦子孫各京官制

以誕慶佳節惟一二弼輔之臣奉觴以上千萬

一作

東坡集 卷之十一
歲壽誠懇精至詩不云乎無德不報乃以保任之
公除子孫官列于京司所以彰朕之意而登爾於仕
也可不楸哉

樞密院令史武世長于可久竝內殿承制制

兩等陪屬宥府幹敏著稱從征南方復主符籍以謹
卅歲年之舊加驅馳戎馬之勞積是最成宜推渥澤
凡聯殿陞傳奉旨辭甄獎之華往復于命

封州司理叅軍林詢被蠻賊殺害贈大理寺丞

制

頃者盜起南服震驚朕衆汝掾州郡遭罹非命盡忠
隕首誠節可尚讞刑之秩用賁幽宓

贈太尉追封永嘉郡王允廸長女左侍禁錢隆
稹妻可特封郡君制

慶毓嘉節率均恩渥矧惟宗藩之逝藐焉息女之愛
彤于薦引當列封一作名號徹名邦之華壤厚敦族之

懿典褒與之重爾宜欽奉

東頭供奉官唐中和可內殿崇班制

勅具官某蜀險而遠欲以知風謠情狀者必擇明曉

事機之人乘驛往來以通上下之意奔走三載厥惟
勞止此其還歸宜有敘進殿墀之峻朝紱之重爾宜
勉力以報優獎

樞密使檢校太傅戶部侍郎高若訥可尚書左
丞充觀文殿學士兼翰林侍讀學士同羣牧制
置使制

予觀前世君臣之際進退以禮始終以義者厥惟鮮
乎故予於左右承弼之人尤其慎者其有竭忠淳以
謀大體者必度材器而任之均休勞以避要途者

贈一作增

名數以寵之所以教其君臣禮義之至者

具官某志尚沈靜才邵明敏博學窮遠古之遠精

達萬奧

一作微

之微

一作奧

進以儒術居然國器寘於

垣則有獻替之論列於延閣則有顧問之辨嘗更外

劇旋長臺憲敷納惟允聞望彌著入叅宰席

一作府

遂

正樞庭幄中之謀處而必中堂上之畫知無不爲

陳懇惓之言固辭宥密之重若乃總文昌之要增

殿之職日與金華之議兼蒞天閑之政併是優寵

以示朕之眷賴而彰爾之謙退其往踐之尚體茲音

樞密直學士給事中孫沔可樞密副使制

朕惟上承宗社之大下撫人民之衆其出命令治

紀者惟一二輔弼之臣而已所以夙夜思慮敷求

賢矧茲宥密之嚴專治兵戎之劇苟明不足以知王

體材不足以辦吾事者其可用之耶具官某以文業

進身而能果白汗智畧如車輻之湊論議若泉源之

流嘗居諫垣號爲鯁亮逮叅延閣屢更器使頃年羗

戎懷貳邊疆多故將漕關中有疏輔一作輔流之術鎮臨

塞下有威懷之稱班旋于外夷一此下曠一心近以

有惟字